

Mit'n Frosch im Hois und Schwammerl in de Knia

Spider Murphy Gang

I woas net wos is los mit mir
Dass i mi oiwei so blamier
Mögn tat i scho, doch meistns wird nix draus
Jedsmoi wenn i obandln wui
Hob i im Mogn a saudumms Gfui
Dann steh i do und bring koa Wort net raus

Zum Beispui sitz i im Café
I hob scho zoit und wui grod geh
Do sig i's sitzn, schee wia d'Loreley
A so a Hos, mei liaba Specht
I ruck ma mei Krawattn zrecht
Und denk de lodst glei auf a Cola ei!

Ja und dann?
Ja und dann?
Ja und dann?
Steh i vor ihr
Mit'n Frosch im Hois und Schwammerl in de Knia
Mit'n Frosch im Hois und Schwammerl in de Knia!

Auf d'Nacht um oans ruaft mi d'Gaby o
Wils einfach net eischlaffa ko
Ud frog: "Schaust auf an Sprung bei mir vorbei?"
Dös loss i ma net zwoamoi sogn
Iziag mi o und start mein Wogn
Und buid ma hoit scho wieder woas Gott wos ei!

Fünf Treppn steig i nauf zu ihr
Außer Atem klopf i an da Tür
Und weils scho offn steht geh i hoit nei
Ja d'Gaby sitzt aufm Kanapee
Mit am hauchdünna Negligé
Und schenkt ma glei an Whisky Soda ei!

Ja und dann?
Ja und dann?
Ja und dann?
Steh i vor ihr
Mit'n Frosch im Hois und Schwammerl in de Knia
Mit'n Frosch im Hois und Schwammerl in de Knia!

Yiha!

Hey Doktor sog, wos mach i bloß
I werd den Frosch einfach net los
Gibts denn für so an Foi koa Medizin?
Da Doktor schaut in Hois ma nei
Und sogt: "Ja mei, dös hamma glei!"
Hot ma sofort a guats Rezept verschriebn

Ja und gestern hob is glei ausprobiert
Bin in a Disco neimaschiert
Und reiß ma glei an Superhosn auf!
Dann fahr i's mit meim Schlittn hoam
Um hoibe drei noch Berg am Loam
Sie frog: "Kommst auf an Kaffee zu mir nauf?"

Ja und dann?

Ja und dann?

Ja und dann?

Steh i vor ihr

Mit 'n Frosch im Hois und Schwammerl in de Knia

Mit 'n Frosch im Hois und Schwammerl in de Knia

Mit 'n Frosch im Hois und Schwammerl in de Knia

Mit 'n Frosch im Hois und Schwammerl in de Knia!